





Հավելված 1

Հաստատվա

Հայաստանի Հանրապետության Շիրակի մարզպետ

2015 թվականի հուլիսի 31-ի N 167 -Ա որոշմամբ

<p style="text-align: center;">Հաստատված է</p> <p style="text-align: center;">Հայաստանի Հանրապետության Շիրակի մարզպետի 2015 թվականի հուլիսի 31-ի N 167-Ա որոշմամբ Հայաստանի Հանրապետության Շիրակի մարզպետ</p> <div style="text-align: center;">  Տ. Ցուլակյան  Կ.Տ. </div>	<p style="text-align: center;">Տպագրված է ընդամենը՝ 5 օրինակ</p> <p style="text-align: center;">Բաղկացած է 6 թերթից</p> <p style="text-align: center;">Օրինակ 5</p> <p>Կանոնադրությունը գրանցված է Հայաստանի Հանրապետության իրավաբանական անձանց պետական ռեգիստրի գործակալության կողմից Գրանցման թիվ 53.210.871917 Վկայական 03Ա 1021917 * ՀՎՀՀ 06102623 16 09 2015թ.</p> <div style="text-align: center;">   </div>
---	--

Կ Ա Ն Ո Ն Ա Դ Ր ՈՒ Թ Յ ՈՒ Ն
 <<Հոռոմի բժշկական ամբուլատորիա>>
 պետական ոչ առևտրային կազմակերպության

I. Ընդհանուր դրույթներ

1. «Հոռոմի բժշկական ամբուլատորիա» պետական ոչ առևտրային կազմակերպությունը (այսուհետ՝ Պետական կազմակերպություն) շահույթ ստանալու նպատակ չհետապնդող, իրավաբանական անձի կարգավիճակ ունեցող ոչ առևտրային կազմակերպություն է: Պետական կազմակերպությունը ստեղծված է համարվում նրա՝ օրենքով սահմանված կարգով պետական գրանցման պահից:

Պետական կազմակերպությունը հանդիսանում է ՀՀ Շիրակի մարզի «Հոռոմի բժշկական ամբուլատորիա» Պետական փակ բաժնետիրական ընկերության և «Հոռոմի բժշկական ամբուլատորիա» փակ բաժնետիրական ընկերության (գրանցման թիվ 53.140.00195 վկայական թիվ 01Ա 030421) իրավահաջորդը՝ փոխանցման ակտին համապատասխան:

2. Պետական կազմակերպության հիմնադիրը Հայաստանի Հանրապետության կառավարությունն է: «Հոռոմի բժշկական ամբուլատորիա» պետական ոչ առևտրային կազմակերպությունը ստեղծվել է Հայաստանի Հանրապետության կառավարության 2015 թվականի հունվարի 15-ի N 41-Ա որոշմամբ «Հոռոմի բժշկական ամբուլատորիա» փակ բաժնետիրական ընկերության վերակազմակերպման միջոցով:

Կազմակերպությունը ստեղծված է առանց ժամկետային սահմանափակման:

3. Պետական կազմակերպության կառավարման լիազոր մարմինն է հանդիսանում Հայաստանի Հանրապետության Շիրակի մարզպետը (այսուհետ՝ Լիազոր մարմին), որն ունի պետական կազմակերպության գործունեությանը և կառավարմանը վերաբերող ցանկացած հարց վերջնական լուծելու իրավունք, բացառությամբ օրենքով նախատեսված դեպքերի:

Պետական կազմակերպության կառավարման, ինչպես նաև «Պետական ոչ առևտրային կազմակերպությունների մասին» Հայաստանի Հանրապետության օրենքի 13-րդ հոդվածի 2-րդ կետի «գ», «դ», «ե» և «է» ենթակետերով ու 14-րդ հոդվածով նախատեսված լիազորությունները վերապահում է Հայաստանի Հանրապետության Շիրակ մարզպետին:

4. Պետական կազմակերպության գործունեության կարգը սահմանվում է օրենքներով, Հայաստանի Հանրապետության կառավարության որոշումներով, Հայաստանի Հանրապետության առողջապահության նախարարի հրամաններով, Հայաստանի Հանրապետության Շիրակի մարզպետի որոշումներով և կարգադրություններով, սույն կանոնադրությամբ և իրավական այլ ակտերով:

5. Պետական կազմակերպությունն ունի ինքնուրույն հաշվեկշիռ, բանկային հաշիվ: Պետական կազմակերպությունը կարող է իր անունից ձեռք բերել և իրականացնել գույքային ու

անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:

6. Պետական կազմակերպությունն այլ կազմակերպությունների հիմնադիր կամ մասնակից կարող է հանդիսանալ միայն հիմնադրի որոշմամբ:

7. Պետական կազմակերպությունն ունի Հայաստանի Հանրապետության զինանշանի պատկերով և իր անվանմամբ կլոր կնիք, ձևաթղթեր, խորհրդանիշ և անհատականացման այլ միջոցներ:

8. Պետական կազմակերպությունն իր պարտավորությունների համար պատասխանատու է իրեն պատկանող գույքով:

9. Կազմակերպության անվանումն է.

հայերեն լրիվ՝ «Հոռոմի բժշկական ամբուլատորիա» պետական ոչ առևտրային կազմակերպություն,

հայերեն կրճատ՝ «Հոռոմի բժշկական ամբուլատորիա» ՊՈԱԿ,

ռուսերեն լրիվ՝ "Оромская медицинская амбулатория" Государственная Не Коммерческая Организация,

ռուսերեն կրճատ՝ "Оромская медицинская амбулатория" ГНКО,

անգլերեն լրիվ՝ "Horom ambulant clinic" State Non Commercial Organization,

անգլերեն կրճատ՝ "Horom ambulant clinic" SNCO:

10. Պետական կազմակերպության գտնվելու վայրն է՝ ՀՀ Շիրակի մարզ, Հոռոմ գյուղ 1-ին փողոց 33:

II. Պետական կազմակերպության գործունեության առարկան և նպատակները

11. Պետական կազմակերպության գործունեության առարկան և նպատակներն են՝

1) բնակչության առողջության պահպանումը, բարելավումը.

2) առողջ ապրելակերպի քարոզչությունը.

3) հիվանդությունների կանխարգելումը.

4) պետության կողմից երաշխավորված բժշկական օգնություն և սպասարկումը:

12. Պետական կազմակերպությունը, որպես ձեռնարկատիրական գործունեության տեսակներ, իրականացում է բժշկական օգնություն և սպասարկում:

13. Պետական կազմակերպությունը կարող է լիցենզավորման ենթակա գործունեության տեսակներով զբաղվել միայն լիցենզիայի հիման վրա:

14. Պետական կազմակերպությունը ձեռնարկատիրական գործունեություն կարող է իրականացնել անձամբ կամ այդ նպատակով, հիմնադրի որոշման հիման վրա, հանդիսանալ այլ կազմակերպության հիմնադիր կամ մասնակից:

III. Պետական կազմակերպության կառավարումն ու ղեկավարումը

15. Լիազոր մարմինը՝

1) իրականացնում է պետական կազմակերպության ընդհանուր կառավարումը, ապահովում նրա քնականոն գործունեությունը և կրում պատասխանատվություն դրանք չկատարելու կամ ոչ պատշաճ կատարելու համար.

2) սույն կանոնադրությամբ սահմանված կարգով ձևավորում է նրա կառավարման մարմինները և վաղաժամկետ դադարեցնում դրանց լիազորությունները.

3) իրականացնում է վերահսկողություն պետական կազմակերպության գործունեության նկատմամբ.

4) կասեցնում կամ ուժը կորցրած է ճանաչում պետական կազմակերպության տնօրենի Հայաստանի Հանրապետության օրենսդրության պահանջներին հակասող հրամանները, հրահանգները, կարգադրությունները և ցուցումները.

5) լսում է պետական կազմակերպության գործունեության մասին հաշվետվություններ, քննում դրա գործունեության արդյունքները.

6) իրականացնում է վերահսկողություն պետական կազմակերպությանն ամրացված պետական սեփականության օգտագործման և պահպանության նկատմամբ.

7) օրենքով, հիմնադրի որոշմամբ կամ սույն կանոնադրությամբ նախատեսված դեպքերում համաձայնություն է տալիս պետական կազմակերպության գույքը օտարելու կամ վարձակալության հանձնելու համար.

8) քննարկում և հաստատում է պետական կազմակերպության տարեկան ծախսերի նախահաշիվը, տարեկան հաշվեկշիռը, տարեկան ֆինանսական և այլ հաշվետվություններ, հաստիքացուցակը.

9) իրականացնում է օրենքով , հիմնադրի որոշումներով և սույն կանոնադրությամբ նախատեսված այլ գործառույթներ:

16. Պետական կազմակերպության ընթացիկ գործունեության ղեկավարումն իրականացնում է պետական կազմակերպության տնօրենը , ով պաշտոնի նշանակվում և պաշտոնից ազատվում է (նրա լիազորությունները դադարեցվում են) լիազոր մարմնի որոշմամբ՝ Հայաստանի Հանրապետության օրենսդրությամբ սահմանված կարգով:

17. Տնօրենը Հայաստանի Հանրապետության օրենսդրությամբ և սույն կանոնադրությամբ իրեն վերապահված լիազորությունների սահմաններում ղեկավարում է պետական կազմակերպության գործունեությունը և կրում պատասխանատվություն Հայաստանի Հանրապետության օրենսդրության, այլ իրավական ակտերի, պետական կազմակերպության կանոնադրության և կնքված պայմանագրերի պահանջները չկատարելու կամ ոչ պատշաճ կատարելու համար:

18. Տնօրենը լրիվ գույքային պատասխանատվություն է կրում իր մեղքով պետական կազմակերպությանը և (կամ) պետությանը պատճառված գույքային վնասի համար:

Տնօրենի լիազորությունների դադարեցումը հիմք չի հանդիսանում պատճառված վնասը հատուցելու պարտականությունները չկատարելու համար:

19. Տնօրենը չի կարող զբաղեցնել այլ պաշտոն կամ կատարել այլ վճարովի աշխատանք, բացի գիտական, մանկավարժական և ստեղծագործական աշխատանքից՝ բացառությամբ ՀՀ օրենսդրությամբ սահմանված դեպքերում:

20. Տնօրենը՝

1) առանց լիազորագրի հանդես է գալիս պետական կազմակերպության անունից, ներկայացնում նրա շահերը , կնքում գործարքներ.

2) Հայաստանի Հանրապետության օրենսդրությամբ, հիմնադրի, պետական լիազորված մարմնի որոշումներով և սույն կանոնադրությամբ սահմանված կարգով տնօրինում է պետական կազմակերպության գույքը՝ այդ թվում՝ ֆինանսական միջոցները.

3) տալիս է պետական կազմակերպության անունից հանդես գալու լիազորագրեր, այդ թվում նաև՝ վերալիազորման իրավունքով լիազորագրեր.

4) աշխատանքի նշանակում և աշխատանքից ազատում է պետական կազմակերպության ստորաբաժանումների ղեկավարներին ու աշխատողներին, նրանց նկատմամբ կիրառում խրախուսանքի և կարգապահական տույժի միջոցներ.

5) բանկերում բացում է հաշվարկային հաշիվներ.

6) կատարում է աշխատանքի բաշխում պետական կազմակերպության ստորաբաժանումների միջև.

7) սահմանում է պետական կազմակերպության կառուցվածքը.

8) օրենքով և սույն կանոնադրությամբ սահմանված իր լիազորությունների սահմաններում արձակում է հրամաններ, հրահանգներ, տալիս կատարման համար պարտադիր ցուցումներ և վերահսկում դրանց կատարումը.

9) իրականացնում է Հայաստանի Հանրապետության օրենսդրությանը չհակասող այլ լիազորություններ:

IV. Պետական կազմակերպության ֆինանսական գործունեությունը

21. Պետական կազմակերպության սեփականությունը ձևավորվում է կազմակերպության հիմնադրման ժամանակ և հետագայում հիմնադրի կողմից սեփականության իրավունքով նրան հանձնվող, ինչպես նաև պետական կազմակերպության գործունեության ընթացքում արտադրված և ձեռք բերված գույքից:

22. Պետական կազմակերպությունը ֆինանսավորվում է Հայաստանի Հանրապետության պետական բյուջեից և օրենքով չարգելված այլ աղբյուրներից:

23. Պետական կազմակերպությունն իրավունք ունի օրենքին, հիմնադրի որոշումներին և (կամ) իր կանոնադրությանը համապատասխան՝ իր հայեցողությամբ տիրապետել, տնօրինել և օգտագործել սեփականության իրավունքով իրեն պատկանող գույքը:

24. Պետական կազմակերպությանը սեփականության իրավունքով պատկանող գույքի նկատմամբ հիմնադիրը չունի իրավունքներ, բացառությամբ պետական կազմակերպության լուծարումից հետո մնացած գույքի:

25. Պետական կազմակերպության սեփականության պահպանման հոգսը կրում է պետական կազմակերպությունը:

26. Պետական կազմակերպության սեփականության վրա կարող է բռնագանձում տարածվել միայն դատական կարգով:

27. Պետական կազմակերպության ֆինանսատնտեսագիտական գործունեությունը ենթական է ֆինանսական վերստուգման (աուդիտի)՝ լիազորված մարմնի կողմից ընտրված անկախ աուդիտորական կազմակերպության կամ Հայաստանի Հանրապետության օրենսդրությամբ նախատեսված վերահսկողության այլ ստորաբաժանման կողմից:

28. Պետական կազմակերպությունն իր գործունեության ընթացքում առաջացած շահույթն օգտագործում է ինքնուրույն՝ իր կողմից սահմանված կարգով, իր առջև դրված նպատակների իրականացման համար:

29. Հիմնադիրը կարող է պետական կազմակերպությանը անժամկետ և անհատույց օգտագործման իրավունքով ամրացնել ցանկացած գույք: Հիմնադիրն իրավունք ունի հետ վերցնել իր կողմից պետական կազմակերպությանն ամրացված գույքը:

30. Պետական կազմակերպությունն իրավունք չունի ամրացված գույքը կամ դրա նկատմամբ իր իրավունքներն օտարելու, գրավ դնելու և հանձնելու անհատույց օգտագործման:

31. Պետական կազմակերպությունն իրավունք ունի իրեն ամրացված գույքը պետության անունից հանձնելու վարձակալության, եթե դա արգելված չէ հիմնադրի որոշմամբ: Ամրացված

գույքի վարձակալության ժամկետը չի կարող սահմանվել մեկ տարվանից ավելի՝ բացառությամբ հիմնադրի կողմից սահմանված դեպքերի:

32. Ամրացված գույքի օգտագործման արդյունքում ստացված եկամուտները պետական կազմակերպության սեփականությունն են, բացառությամբ ամրացված գույքի վարձակալությունից գոյացած վճարների, որոնք սահմանված կարգով ուղղվում են Հայաստանի Հանրապետության պետական բյուջե:

33. Պետական կազմակերպությանն ամրացված գույքի օգտագործման կամ վարձակալության հասնելու ընթացքում առաջացած անբաժանելի բարելավումները Հայաստանի Հանրապետության սեփականությունն են:

34. Հիմնադրի կողմից պետական կազմակերպությանը գույքն ամրացնելը հիմք չէ այդ գույքի նկատմամբ հիմնադրի կամ երրորդ անձանց իրավունքները դադարեցնելու կամ փոփոխելու համար:

35. Հիմնադրի կողմից պետական կազմակերպությանն ամրացված անշարժ գույքի և (կամ) պարտադիր պետական գրանցման ենթակա գույքի նկատմամբ պետական կազմակերպության օգտագործման իրավունքը ծագում է դրանց նկատմամբ իրավունքի պետական գրանցման պահից:

V. Պետական կազմակերպության վերակազմակերպումը և լուծարումը

36. Պետական կազմակերպությունը կարող է վերակազմակերպվել հիմնադրի որոշմամբ, Հայաստանի Հանրապետության քաղաքացիական օրենսգրքով սահմանված կարգով:

Պետական կազմակերպությունը կարող է վերակազմակերպվել 100 տոկոս պետական մասնակցությամբ ընկերության կամ հիմնադրամի, ինչպես նաև համայնքային ոչ առևտրային կազմակերպության:

37. Պետական կազմակերպությունը դատական կարգով կարող է վերակազմակերպվել օրենքով սահմանված դեպքերում և կարգով:

38. Պետական կազմակերպության լուծարմամբ գործունեությունը դադարում է՝ առանց իրավունքները և պարտականությունները իրավահաջորդության կարգով այլ անձանց անցնելու:

39. Պետական կազմակերպությունը կարող է լուծարվել հիմնադրի որոշմամբ, Հայաստանի Հանրապետության քաղաքացիական օրենսգրքով սահմանված կարգով:

Պետական կազմակերպությունը կարող է լուծարվել նաև սնանկության հետևանքով: Պետական կազմակերպությունը դատական կարգով կարող է լուծարվել միայն օրենքով նախատեսված դեպքերում և կարգով:

40. Պետական կազմակերպության լուծարման դեպքում պետական կազմակերպության պարտատերերի պահանջները բավարարելուց հետո մնացած գույքն ուղղվում է պետական բյուջե: